

GURUTCEAREN**BIDEAREN GAINECO****INSTRUCCIONE****LIBURUA.***Cer den Gurutcearen Bidea.*

GURUTCEAREN bidea da berenaz gure Salbatçailleac bere gurutceaz cargatua iragan çuen eremua; erran nahi da, condenatua ican cen Pilatusen etchetic eta gurutceficatuia ican cen Colbarioraino, non aurkhiteen baitituzte mila hirur ehun eta hirur hogoi urhax. Beraz gurutcearen bidearen eguitatea da, eremu horren iragaitea. Funski egui- teco, bide horren iragaitean, behar da ican hunkitua han Salbatçailleac eguin dituen phausu odolstatuei emana den sentimenduez. Hura Cerurat iganez gueroz Biryina Sainduac, eta haren exemplura Jerusalemeco presuna debotec, maiz eguiten çuten bide hori. Guero debocione horren laguntceco, eman cituzten seinale batçuec Salbatçaille maitea, bide hartan cerbeit guerthatuaric, baratua egon cen tokietan. Guiristinotasuna hedatcearekin laster abiato ciren hel ahal citezkin tokietaric bide horren egui-

ten; eta eçagutu hainitz gracia bereciac ardiesten cel a debocione horren bidez. Hori ikhussiric Aita Sainduec eman cituzten indulgenciaric handienac debocione hori praticatzen cutenei.

Bainan, ikhussiric hanitz guristino içanen cirela gracia horiez gabelnac, toki bartarat ecin yuanez, Aita Sainduec nahi içan dute egun Jesu-Cristoc gurutceaz cargatua, Olibetaraco bidean egun ciluen phausuen figura bat, emaiten direlaric Elicetan distanciatic distanciara phausu hec errepresentatzen dituzten erretaula edo gurutce batcuec eta tokiaren beraren gainean bere Estacioneac eguiten dituztenei, indulgentzia handi hec berac eman dituzte, eratchiki ondoan erretaula eta gurutce hauyer; bainan Estacioneac erretaula eta gurutce heyen beraren aitcinean eginez.

Aitcinagoco Aita Sainduen gainera, Pio VI garrenac hedatu nahi içan du debocione hori, capereten emaitea permetitcerainocoan Estacione horiee.

Ikhussia da debocione hori, J. Christoc gure salbamendu egun dituen phausu odolstatuen consideratcerat, harentçat den loriosena, haren Ama Biryinarentçat den gogoracoena, bekhatuaren higuintcerat, nekheen jassaterat, eta J. Christoren amodiorat bihotcen erakhartceco den abantailosena dela.

Estacioneac egun aldi bakhotchean hanitz indulgentzia irabazten da; bainan bat bederac ossobat baicen ez beretçat. Aita Sainduen chedea da Purgatorioetako arimei applica dazkioten ahalaz, Benoit XIII garrenac erraiten daucun beçala.





NORC BERAC

GURUTCEAREN BIDEA

EGUITECO MOLDEA.

*Hartarat prepareteeco Sacramendu Sainduaren
aitcinean eguiteco Othoitça.*

OJESUS, ene Salbatçaire dibinoa ! huna non naicen ahuspez çure oinetan, enetçat eta çure gracián hil direnentçat misericordia galdececo. Pharteliar egun gaitçatçu, othoi, gogoan erabilt-cera nohan çure pasionearen merecimendu neurrigabeez. Nigarrezco eta auhenezco bide huntan hain urriki minaz hunki çacu ene bihotca, non ekharria içanen bainaiz bici huntaco nekhe gucien gogotic jassaiterat çu gatic.

Eta çue, Gurutcearen bidea lehenic irakatsi daucuçuna, Maria Saindua, eguiçu othoitz Trinitate Sainduac munduan içaiten dituen affruntuen erreparacionetan onhets detçan hemen Izpiritu Sainduac inspiratuco daitan dolorezco eta amo-diozco sentimenduac.

I^{er} ESTACIONEA.

Jesusen hiltcerat condenatua.

CONSIDERA çäcu hemen Jesusec cein amulxuki harcen duen arrasta bat hain injustua, eta orhoit çaité ez duela Pilatusec condenatu Jesus, bainan çuc eta bekhatoros guciec galdecen guinduela haren heriotcea. Erroçu beraz behaçunic mine-narekin :

O Jesus adoragarria ! ene bekhaturec hilaraci çaiztuztenaz gueroz, eguidaçu, othoi, gracia hetaz damu guehiago içaiteco gaitz suerte guciez bainq, eta ekharriac içaiteco lehenago hiltcerat ere bekhatu eguinen dugun baino.

Erraçu guero Gure Aita, Agur Maria, Gloria.

II^{da} ESTACIONEA.

Jesus gurutceaz cargatua.

CONSIDERA çäcu hemen Jesusec cein bihotz onez hartcen duen bere heriotceco tresna latzgar-

ria bere soin sarraskituen gainean. Horrela irakatsi nadi daucu nola hartu eta ekharri behar ditugun, nondic eta noren ganic nahi heldu caizcun gurutceac.

O Jesus amulxua ! ez cinduen cuc ekharri behar gurutce hori , bainan nic bekhatodos dohacabea. Emadaçu behar dudan animoa , çure exemplura, bici huntaco nekheac eta axecabeac errencuratu gabe jassaiteco ; Aita on beçala çure Probidentcian nahi içan duçunaz gueroz heyen bidez egun deçandan bekhatuen satisfactionea, eta ardiez çure loria.

Gure Aita, Agur Maria, Gloria.

III^{ta} ESTACIONEA.

Jesus eroria Gurutcearen pean.

CONSIDERA çäçu Jesus Olibetaraco bidean. Acote eta arrantcezco khorò crudelec hambat odol galaraci cioten , non flacatua erori baitcen gurutce dorphearen pean ; eta ez da altchatcen tratamenduric gogorrenac patientciaric handienarekin jassanie baicen. Hola nahi du egun , eta guri irakhatsi gure eroñicoen, eta guziz bathayoco gracia galaraci darocuten bekhatuen satisfaccionea eguiten.

O Jesus ona ! eguiçu , othoi , orhoit nadin be-thi bihotzminic handianerekir ene gaztetasuneceo

lehen bekhatuez , eta disposizione Sainduekin burbil nadin heyen borratceco ordenatu duçun pénitentciazco sacramendurat : barkha dietcadat-çu , othoi irragan hutsac , eta eguidaçu gracia etan berriz erortceco.

Gure Aita, Agur Maria , Gloria.

IV^{es} ESTACIONEA.

Jesusec errecontratcen du bere Ama.

CONSIDERA çäcu cein doloros behar cen bai Seine Jainco harrentçat ; bai Ama hain maitearentçat elkhar errecontratcea , Seme maite hura gatchtaguin batçuez hain itsuski herrestatua den demboran , populu handi baten bistan . Hura ikhustean cer dolore eta hersturetan ez cen aur-khitu haren bihotça ! Nahi çukeyen atheraurrea heyen escuetaric ; ordean badaki hala behar dela egui gure Salbamendua . Guciak harekin sacrificaturic , yarraikico çayo beraz azken hatseraino .

O dolorezco Ama ! ardiets dieçaguçu mendi sainduraino J. Christo seguitu cinuen amodio hura , eta gurutcearen oineraismo eracutsi cinuen curaye hura ; deusec ez naçan seculan ceihararaz Jaunaren leguearen bidetic , eta apartaraz Jesu-Christo |ganic.

Gure Aita, Agur Maria , Gloria.

7

V^{ea} ESTACIONEA.

Simon laguntcen çayo gurutcearen kharreyatcen.

CONSIDERA çacu Jesu-Christoren gu ganaco ontasuna. Mundua jassaiten duenean ez du escas indarra gurutcearen jassaiteco , bainan nahi daucu irakhatsi gure lagunetaric paraitceco içanen ditugunen juntatcen haren sofricarekin.

O Jesus , ene Jauna ! cerorrec jassanic gurutceric dorpheena , arinena uzten derotaçu niri , eguidaçu , othoi , gracia neure buruaren hain etsai ez içaiteco , non ez baidut ekharri nahico. Hitz datçut , Jauna , çure amorea gatic , eta çure misericordiaz baliatceco jassanen ditudala errencuratu gabe neure lagunaren ganicaco escassia eta agarabio guciac.

Gure Aita , Agur Maria , Gloria.

VI^{en} ESTACIONEA.

Emacume debot batec chukhateen dio beguithartea.

CONSIDERA çacu soldado soka hura cilhaturic, bere Nausi dibinoaren gana hurbiltcen den emacume horren animoa. Aurkhitcen du thuz , herrautsez , icerdiz eta odolez suntsitua. Hunkitua nigarretaraino , amodioac emaiten du beldur gu-

ciez gorago; hurbiltcen da Jesusen ganat, eta chukatcen dio Aingueruec eta Sainduec ikhararekin baicen [beira ez dioçoketen beguitharte deseguin hura.

O Jesus gure Nausi eta Erreguea! emadaçu, othoi, emacume saindu horren imitatceco bershutea, munduko consideracione guiac osticaturic goraki eracuts deçadan neure fedea mundu guciaren bistan.

Gure Aita, Agur Maria, Gloria.

VII^{ta} ESTACIONEA.

Jesus erortcen da bigarren aldicotz.

CONSIDERA çäcu Bictima saindu horren estatua, hedatua bere sacrificioco egurraren pean, eta pharatua bereurreuen tratamendu crudelei: bigarren errorico hau Jesu-Christoc guretçat duen amodio handiaren frogat berri bat da. Nahi daucu eracutsi berriz bekhatuan errortceac ez darocula exiaraci behar, bainan bai erneago atchicaraci.

O Jesus ene Salbatçailea! barkha dietçadaçu, othoi, berriz ere ene bekhatuac; borthitz neçäcu gure graciaz bekhatuzco occasioneen contra; emadaçu, othoi, atcartaçuna neure buruaren gainean, fermu içan nadin çure gracian.

Gure Aita, Agur Maria, Gloria.

VIII^{ta} ESTACIONEA.

*Jesusec contsolatcen ditu Israelgo presuna doloratu
darraizconac.*

MIREX caçu Jesu-Christoren inerostasuea. Bere doloreez casuric eguin gabe gucia hartua da gure Salbamenduaz; erraiten badiote ez deçaten **nigarric** eguin haren gainean; inan bere eta bere ondo-coen gainean. Ah! hortan eracusten daucu gure doloreac estimu guti lukeela, baldin gure bekhatuez becala gure lagunez **nigar** eguiten ez badugu.

O Salbatçaille maitea! emocute, othoi, ene bi-hotçariene lagunen Salbamenduaren nahi khartsubat, bekhatoreen conbertsionearentçat othoitcean ohenetan eta penitentcian, khartsuki emanaz necakena, mereci deçadan çure contsolacionezco hitcen adicea heyekin.

Gure Aita, Agur Maria, Gloria.

IX^{ta} ESTACIONEA.

Jesus erortcen da hirur garren aldian.

CONSIDERA caçu Jesus heldua mendiaren gainera. Behatcen du bere etsaien errabiak sacrificatu behar duen tokira. Içanen ciren bekhatuzco erre-

chutec, sacramenduen profanacionec; eta haren graciac eta haren odola cembeitentcat alfer içanen ciren ikhusteac hersten eta transitcen du haren bihotça jassan behar dituen tormentec baino borthizkiago.

Contsideracione horrec aurkitcen du hain tristecia eta flakecia handian, non erortcen baitda bere hagonian beçala, beguitharteaz lurerrat.

O Jesus, amadioaren bictima! onhets çacu, othoi, hemen ene bihotz doloratuac, çure bihotça hola hersten duten ausarcia eta profanacioneez eguiten darotçun amanda onorablea; emadaçu indarra icigarrekeria horien penitentciaric gogorrenez erreparatceco, eta eguidaçu gracia çu ganat bethicotz helaraz neçaketen beçala çure graciez baliatceco.

Gure Aita, Agur Maria, Gloria.

X^{ta} ESTACIONEA.

Jesus biluzten dute.

Contsidera çacu nolacoa cen Jesusen sofricaria buruec bilhuci çutenean; arropac khentcearekin haren çauri guciac ideki eta sarrakistan emaiten dire, eta erreberitcen dute açotezco suplicioa. Cer dolore ez cen harentçat, hambat eta halaco ikhustiarren bistian, estatu hartan aguertcea!

O Jesus saindutasunaren Jaincoa ! gure guritasun tchar eta axeguin liçunez satisfaccion egiiteco uzten duçu çure burua hola biluzterat ; ik-husgarri nigar eguingarri horren bistan ahalcatura ; neure gorphutsari eguin ditudan mainez , cinki deliberatcen dut çure graciarekin batean , neure sensuac mortificatuz eguin detçakepan satisfaccion gucien eguiterat.

Gure Aita , Agur Maria , Gloria .

XI^{ea} ESTACIONEA.

Jesus Gurutceari itçatua da.

CONSIDERA çacu Jesu-Christo bere berreuei cein humilki pharatcen den ! uzten ditu bere escu eta oinen itçacerat ! batere errencuratu gabe ; sentitcen ditu bere heçurrac junturetaric atheratcen , bere çainac ethentcen , bere odola gurutcea behera yuaiten , bere bihotça egarriac erretcen , bere indar guciac akhitcen ! Ah ! ceren gu gatic obedient içan nahi baitcen gurutceraino , Jondoni Pauloc dioen beçala .

O ene Nausi dibinoa ! ala goraki condenatcen baiditutçu çure legue sainduaren alderaco ene desobedientçiac ! Ala sarcorra bait da hemen amo-dio propia , eta naturaleçaren contrasta guciac bentçutcen dituen obedientcia ossoaren gainean

emaiten darotaçun exemplua ! Eguidaçu , othoi , gracia hortaz baliatceco , ez deçadan behinere hertce nahiric içan çurea baicen.

Gure Aita , Agur Maria , Gloria.

XII^{en} ESTACIONEA.

Jesus hiltcen da gurutcean.

CONSIDERA çacu Jesus hiltcen bi ohoinen artean , eta bere Jaincotasunaz eracusten miraculuric handienez. Azken hatsa eman duen pontuan , lurra ikharatcen da , harrocac erdiratcen , temploco beloa urratcen , iguskia illhuntcen , eta hilac hobietaric bizturic ilkhitcen. Horiec ikhussiric , capitaina obligatua da , bulharroc jotcen dituelaric , aithorcerat eguiatzki hura Jaincoaren Semea cela.

O ene Salbatçaille maitea ! ez deçacula , othoi , permeti , creatura guciac çure heriotceaz doloratcen diren demboran , sendimendu gabe içan nadin eta esker gabe. Argui çacu ene adimendua , phorrosca çatçu ene passioneen gatheac , atçarraçu , othoi , ene fede lokharcatua , halaco moldez , non ez decadan behinere biztatic gal gurutce hortan hil nahi içan duçun estatua , eta hor emaiten çarotaçun eracuspenez erreguela decadan nere bicia heriotceraino .

Gure Aita , Agur Maria , Gloria.

XIII^{en} ESTACIONEA.

*Jausten dute Jesus gurutcetic, eta emaiten bere
Amaren escuetan.*

CONSIDERA çäcu Ama samur harren dolorea bere Semea hila ikhustean. Bere bessoetan hartcen du depot sacratu hori; beguira dahoco begi-tharte deseguin eta odolstatu hori; begui iraungi, escu eta oin cilhatu heyer. Jaincoac baicen ez deçake compreni ikuusgarri hori cer martyrio cen harentcat.

O Maria ! ni naiz çure bihotzminaren causa Ene bekhatuec cilhatu dute çure bihotça Jesus gurutcean emaitearekin ; bainan orhoit çaité, ô Maria ! ene Ama eta ene bihartecoa çarela Jaincoaren aintcinean ; damuric minena dut içanaraci dait-cudan doloreez , arnegatcen dut bekhatuari , hitz dautçut çure berthutei yarraikico naicela ; çu bai-than dut ene fidantzia : lagun naçaçu, othoi, orai eta ene heriotcean.

Gure Aita, Agur Maria, Gloria.

XIV^{en} ESTACIONEA.

Jesus emaiten dute hobian.

CONSIDERA çäcu Jesusen gorputça hobi har-tan, eta orhoit çaité çurea orobat daitekela laster,

eta çure arima yuanen dela Jaineoaren aitcinerat bere seculaco, çorion edo corigaitceco arrastaren aditcerat.

O ene Salbatçaire dibinoa ! heriotce on bat niri cobratceco, eta hartarat preparatcen irakhasteco, hil çarenaz gueroz, ez deçaçula, othoi, permeti çure graciac alfer içan diten enetçat, ehorskitçu hobi hortan ene gaichtakeria guciа : ene bicia penitentcian eramanic eta berthutean fermu içanic mereçi deçadan bethico çure loriaz goçatcea.

Gure Aita, Agur Maria, Gloria.

Solenelki eguiten denean gurutcearen bidea, edo Estacionea, Sacramendu Sainduaren aitcinean cantatcen da :

O Crux, ave, spes unica !

Mundi salus et gloria :

Auge piis justitiam,

Reisque dona veniam.

Eta guero apheçac iracurtcen du othoiça. O Jesus, etc., 3 plaman.

Estacionera yuaite gucietan cantatcen da ceremonia huni dahocon cantica phartsu bat, eta :

Santa mater istud agas :

Crucifixi fige plagas

Cordi meo validè.

Estacione bakhotcharen hastean cantatcen du apheçac :

ÿ. Adoramus te, Christe et benedicimus tibi.

ÿ. Quia per sanctam Crucem tuam redemisti mundum.

Guero belhaunicaturic erraten ditu Othoitçac, ondoan cantatcen du :

ÿ. Miserere nostri Domine.

R. Misérere nostri.

V. Fidelium animæ per misericordiam Dei.

R. Requiescant in pace. Amen.

Estacioneen ondoan bihurteenda gurutcea , cantateen direlaric cembait cantica pheritsu, eta sanctuarioan cantatcen dira seguidaco pherisuac :

V. Adoramus te, Christe, et benedicimus tibi.

R. Quia per sanctam Crucem tuam redemisti mundum.

V. Ora pro nobis, Virgo dolorosissima.

R. Ut digni efficiamur promissionibus Christi.

V. Signasti, Domine, tuum servum Franciscum.

R. Signis redemptionis nostræ.

V. Oremus pro pontifice nostro N.

R. Dominus conservet eum et vivificet eum, beatum faciat eum in terrâ, et non tradat eum in animam inimicorum ejus.

V. Oremus pro fidelibus defunctis.

R. Requiem æternam dona eis Domine, et lux perpetua luceat eis.

OREMUS.

Respice, quæsumus, Domine, super hanc familiam tuam, pro qua Dominus noster Jesus-Christus non dubitavit manibus tradi nocentium, et Crucis subire tormentum.

Domine Jesu-Christe, Fili Dei vivi, qui hora sextâ, pro Redemptione mundi, Crucis patibulum ascendisti, et sanguinem tuum pretiosum, in remissionem peccatorum nostrorum fudisti, te humiliter deprecamur, ut post obitum nostrum, januam paradisi nos gaudentes introire concedas.

Interveniat pro nobis, quæsumus, Domine Jesu-Christe, nunc et in horâ mortis nostræ apud tuam clementiam, beata virgo Maria mater tua, cuius sacratissimam animam in horâ tuæ passionis, doloris gladius pertransivit.

Domine Jesu-Christe, qui refrigerente mundo, ad inflammandum corda nostra tui amoris igne, in carne beatissimi Francisci, passionis tuæ sacra stigmata renovasti, concede propitius, ut ejus meritis et precibus, crucem jupiter feramus et dignos fructus penitentiae faciamus.

Omnipotens sempiterne Deus, miserere famulo tuo
pontifice nostro N. et dirigē eum secundūm tuam clem-
tiam in viam salutis aeternae, ut, te donante, tibi placita
cupiat, et totā virtute perficiat.

Deus, veniē largitor et humanæ salutis amator, quæsu-
 mus clementiam tuam ut nostræ congregationis fratres,
 propinquos et benefactores, qui ex hoc seculo transierunt
 beatâ Mariâ semper virgine intercedente, cum omnibus
 Sanctis tuis, ad perpetuæ beatitudinis consortium perva-
 nire concedas. Per Dominum nostrum Jesum-Christum, etc.

*Apheçac cantatcen du hirur aldiz : Parce, Domine, parce
 populo tuo.*

*Populuac ihardesten du orobat : Ne in æternum irascaris
 nobis.*

Can. iec : Pie Jesu Domine, dona eis requiem.

Populuac : Sempiternam.

Lehen cantariac : Jube Domine, benedicere.

*Apheçac : Benedicat nos Dominus Noster Jesus-Christus,
 qui pro nobis flagellatus est, crucem portavit et fuit cru-
 cifixus. Amen.*

